

H. S

LOUS CANTETS

DÉ

PATRACHOT

ÉSCLOUPÈ

È FABRICAN DÉ COUMPLÉNTOS



TARBO

IMPRIMÉRIO È LITHOGRAPHIO J.-P. LARRIEU

41, rue douz Grands-Foussats, 41

—
1880



D292 017534

L104-C106

LOUS CANTETS

DÉ

PATRACHOT

ÉS CLOUPÈ

È FABRICAN DÉ COUMPLÉNTOS




TARBO

IMPRIMÉRIO È LITHOGRAPHIO J.-P. LARRIEU

41, rue dous Grands-Foussats, 41

1880



LOUS CANTÉTS DÉ PATRACHOT

ENTRADO

Praoubé patouès ! Tu hill dé horto souco

Coum u bastar qu'êt bézés estrémat.

Qu'ey toutis cas s'es déguéns quaouquo bouco ;

Més pér papè jamés tu n'as tintat.

Biéil, éstroupiat, t'en bas sur tas béquillos.

Mudos de pèt dé l'oustaou à l'oustaou.

Coum u léprous qu'êt casson dé las bilos,

È mêmô aous cams qu'êt bézi bien malaou.

Cantém tout dus lous cams è la naturo,

Lous pics hardits, tarrocs dé majéstat,

+

Oun l'aïré libré a pér touto mézuro

Lou houns dou cèou è dé l'Éternitat.

Quaou pas mouri sénsé décha ta pisto

Aou téms qui bén, aous hüturs malhurous,

— Dégueáns moun brès (uo praoubo biéillo tisto)

Qué cugnérès ma bingudo è sous plous.

Aro you boy cugnéra ta biéillessos.

Ta praoubétat appraoubich mous bérséts.

Praoubés tout dus, hazem-mous uo caréssos :

You baou basti, hèm passa lous téouléts.

Nosté pays, nostos bëros mountagnos,

— Aouffrichén prou dé qué truca, banta,

Entré las flous, ja, sé trobon targagnos.

Qué y a dé tout, dé tout qué ham canta.

CANTÉT I

LOU PIC

Fier réy dé las mountagnos !

Adiou Pic dou mié-jour,

Miraïl dé las campagnos,

Quan lou glas oun tu bagnos,

Dé toun froun hè lou tour.

Ta courouno blanquido,

A dé l'aoubo flourido,

La prumèro luzido

È lou prumè poutét

Amourét.

Dous houdrés dé mizèros

Dous homés è dé Diou,

Qué passon las coulèros,

Lous tounerros :

Tu, qu'ès toustém aquiou !

O géan dé la terro !!

Quand l'espourbill dou cèou,

A grans cops dé tounerro,

Ben aoubri la pachèro

Aous grans aïguats dé nèou ;

Quan lou houdré ésperrèco

Aïré, crüms, è qu'esbrèco

Lou luzet è la mèco

Dou gran caréil, oueil biou

Dou boun Diou.

Aou méi dé la bourrado,

Dous gnacats dé la frét;

Quan tout a la larmado,

La tramblado,

Qu'ès toustém hort è drét.

Portos ta créstò fièro

Dinquo aou soulè dou cèou.

Dim mous si sa coulèro

Déou dura sur la terro,

Sé béouram toustém hèou.

Sé déou béngué lou dio,

Oun finich la houlio,

Oun la bertat éspio

Sé l'homé ou baillo pot

U plaçot.

Dim mous si guerros, pestos,

An espuntat lurs bècs,

Ou sé séran dé restos.

Toustém bestios,
Ou toustém hols ou pècs.

Quan démasquos ta faço,
Aou luzet dou lugran ;
Quan ta capo dé glaço
Luzich dé plaço en plaço,
Sémblos dé diaman.
Sultan dé las mountados,
Dé ta lutz courounados,
Proché dé tu rénjados
Eros beillon aou tour,
Soun ta cour.

Nou souy qu'u praoubé ermito,
Cantayré per raccrocs,
Més ét bézé éy ma hito
È ma bito,
Salut réy dous tarrocs !!!

Sur tas lozos daourados,
Dèchom assèté drin.
Hèm bézé las countrados
Qué soun tan émmélados
Dé goy è dé chagrin.
D'açi you bézi bilos,

È dé géns lounguos filos

Qué s'amasson en pilos.

L'ayré quey ahumat,

Embardat.

Déchém las tutos granos,

Nou hèn qué s'y tuma.

Aném à las cabanos,

A las lanos,

Oun pouyrén tan s'aïma.

Ja qu'en bézi dé beros

D'aci, un paou pértout.

N'an oustaou è capéros,

Justicos è pailleros,

N'at quaou pas dizé tout...

Baou canta las mañados,

Las sèguos è las prados,

Las riberos aimados,

È lou gardo et lous blats

È lous prats,

Lous déouïs, las pouzoueros,

È lou diable è l'amou,

Cass, moutous è bergéros,

È héouguèros.

Ataou qué sera prou . . .

Baou canta . . . Més qui canto

Aou débat dou roc nut

Qué s'aouanço è s'énçanto,

Aou cap-bat dé la panto

Coumo énta hè l'échut?

Touto la nèou partido

Dècho l'herbo bérdido,

Sabourouzo è flourido.

Lou téms quéy arribat

Dou mésclat.

Qué canto soun aïmado

Lou pastou à l'éstrém,

Éro quéy assélado

A la prado.

È nous aous éscoutém

Lou pastou

Lou glas, la nèou s'en soun anats,

Lou giouré tabé, ça diou plats.

Marioun ! pramou dé tu,

Lou cèou quéy tournat blu.

La prado, las houéillos, las flous,

Qué bajén dabbé las amous
Enta tu, s'en crézi moun co,
Diou qu'a heyt tout aco. }^{bis.}

Qu'ès ta poulido, tu, Marioun,
D'abbé toun rougé coutilloun,
Qu'aou briou, lesté, courréen,
Eshérit è balén,
L'aïgo, fiéro dé té mira,
A tous pès qu'és bén estangua.
Enta tu, s'en crézi moun co,
Diou qu'a heyt tout aco. }^{bis.}

Aou bousquet, quan tu bas canta,
Tout sé caro enta t'escouta.
L'aouzèt à ta cansoun
Bén prénguè sa léçoun,
È qu'ét bolo sou capulet.
Dirén qu'ét démando u poutét.
Enta tu, s'en crézi moun co,
Diou qu'a heyt tout aco. }^{bis.}

Peillos luzéntos, fréch riban ;
Moucadés rayats rougé è blan ;

Esclops fis è luzéns ;
D'or blous baguos, péndéns,
Coutillous rougés dantélats ;
Piéntous dé perlos éstéllats.
Enta tu, s'en crézi moun co, }
Diou qu'a heyt tout aco. }*bis.*

La-haout, quan lou houdré brounich ;
Aci, quan lou do m'esmoutich,
Marioun, s'ét bézi drin,
S'en ban poou è chagrin.
Moun co, tout escarrabeillat,
Béou lou bounur qué las baillat.
Enta tu, s'en crézi moun co, }
Diou qu'a heyt tout aco. }*bis.*

A cazo you qu'ey lou mulèt,
La mascarino et soun bétèt,
La maï è soun agnèt,
Labrit è lou troupèt,
La clouco nègro, sous poulêts,
Uo nizérado d'aouzéléts.
Enta tu, s'en crézi moun co, }
Diou qu'a heyt tout aco. }*bis.*

Guèro, maïnado, you souy gran,
Dou pourtaou toqui lou mountan.

Souy drèt è gracious,
Souy hort, balén è dous.

È démpuch lou cap dinquo aous pès
Enta l'amou souy heyt ésprès.

Enta tu, s'en crézi moun co, }
Diou qu'a heyt tout aco. } bis.

Lou lugran, l'estélo dou cèou,
La rouzado, las flous, lou mièou,
L'aouzèt biou, ésbérit,
L'aouba bér è flourit,
Tout ço qué plats, ço qué hè goy,
Tout ço qué bézés dé béroy.

Enta tu, s'en crézi moun co, }
Diou qu'a heyt tout aco. } bis.

Sèroy estat tou boun diou, you,
Qu'aouri troubat qu'èro pas prou,
Marioun! Aou mié coustat
Qu'aourés tout coumandat.

Pér toustém t'aouri dat l'amou
Enta qu'estessés toustém flou.
Enta tu, s'en crézi moun co, }
Qu'aouri heyt tout aco. } bis.

Qu'ey pourido la canto
Dou gouyat ésbérit
Qu'ey l'aïmado qué banto.
Guérat : quan lou co canto,
Canto toustém poulit.

Aoujits : qu'ey la pastouro
Qué respoun aou pastou.
Quan ey béngudo l'ouro,
La sento ouro,
Canto toustém l'amou.

La pastouro

Qu'ey Guillèm, qu'ey l'amic qué canto,
Qué l'énténi haout sus la panto.
Qué canto you, lou bêt gouyat,
Qu'ém banto !
Dirén u anjou débarat
Aou prat.

Souy ta Marioun, souy toun aïmado,
Ma bouts à ta bouts s'ey ménlado.
Toutos duos passon la nèou
Pizado.

Ensémblé qu'arribon més lèou
Aou cèou.

Et brémbos tu dé la bréspado
Oun moun co préngouc la boulado ?
Qu'eros sus uo branco d'aouréts
Plégado.

You gaïtaouoy lous agnéléts
Blanquéts

Qu'ém digous : Marioun, coum ès bëro !
Qu'ét digouy : Guillèm, noun souy hèro,
Qu'ém digous : You t'en trobi tan,
Bérgèro,
Qué nou n'ey éstélo ou lugran
Aoutan.

Démpuch labéts, la néy, lou dio,
Qué bézi toun ámo qu'éspio
Dou haout dou cèou dous amoûrous
La mio,
È moun co sé houn aous amous
Tout dous.

Toustém aous crüms moun soungé bolo,
Dé poou, dé goy, moun san trémolo,

Un maou dê plazé déguénés you

Rigolo,

È jamés d'aquéro doulou

N'ey prou.

D'aquéts qué coumandon sus terro

Quan té hazoun parti én guerro,

Amic ! qué béngouy dê ploura

Uo stero.

Éts sabén pas ço qu'ey sampa

D'aïma

M'aouffrichés touto la naturo,

Tout ço qué passo, ço qué duro,

Aouzéts, moutous, plano, tuco,

Mesturo.

You qu'aymi més qué tout aco

Toun co.

CANTÉT II

Guérat qué dé ribéros,
Coumo ribans d'argén,
Traouerson las héouguéros,
Las granos castagnéros
Fiéros d'un frut luzén.
Qu'apporton la goutéto
A la flou, à l'hérbéto,
Aou bér, à la laouzéto,
È à tout co qué biou
Dou boun Diou.
Aou briou l'aïguo, dé tiro,
Rounlo lous caillaouéts,
Qu'ous éstrémo, qu'ous biro,
Qu'ous rébiro,
Qu'ous minjo dé poutéts.

Quaté jouénos pastouros
S'apèron dé la bouts :
Bous aoutos ! soun très ouros,
Qué minjéram amouros,
Aném moun aous éstouts,

È qu'és trousson las péillos.
Aouta lèou las aouéillos,
Coum u brégoun d'abeillos,
Sortén. L'aouté bestia
Séguira.

Ataou s'en ban musquétos,
Én pioulan uo cansoun,
Las quaté pastourétos,
Poulidétos,
Las flous dé la sazoun.

Guérat-los : soun dé hèstos,
Nous pèzon lous esclops.
Soun esbéridos, lestos,
È pér dessus las gnèstos
Saouton coumo crabots.
La campicho, l'agraoulo,
Lou cardin, la bérdaoulo,
An perdu la paraoulo
Èn las bézé passa
È dansa.

Hurouzo la jouénéssو,
Èn flou, passo pertout,
Saouto sur la tristesso,

La sagesso,
A la bilo, à l'estout.

Gagnon las éscourrudos,
Oun ey lou cassou bèt,
Dab sas racinos nudos,
Sas brancos ésténudos,
Granos coum u tounèt.
Qu'ey soul déguéns la plano,
Qu'ey lou Réy dé la lano,
Proché dét n'ey bruchot
Ni hèchot.
Sur la nosto bardèro,
Ataou las caouzos ban,
Homé ou cassou sur terro,
Praoubo terro !
Oun ey libré qu'ey gran ! . . .

Qué soun à la ribèro.
La Baïzo qu'arrits.
Aou briou l'aïgo qu'ey bèro,
La brizo qu'ey léougèro,
Lous éstréms soun flourits.
L'aouba pléguo sas brancos,

Las drétos, las arrancos,
È dab sas houéillos blancos,
A hèit u cabanou,
Pétitou.

Hè ! digoun las houlétos :
Dégun né mous beyra,
Quitém péillos, manchétos,
Camisétos,
Aném ! mous quaou bagna.

Aouta lèou mouchouùrs, péillos,
Brassièros, coutillous,
Ésclops, bachs, éspartéillois,
S'en ban coubri las houéillois,
Dé las matos én flous.
Diou soul bé las maïnados,
Lestos, désbarrassados.
Coumo quo désmascados,
Pénso lou Créalou,
Soun dé you.

Éros è lur counscienco,
Ban coum lous agnélots,
Béstidos d'ignourenço,
D'innourenço,
Lou més hèt douz péillots !

Qué prénguén la boulado
Sus caillaouéts péntuts ;
Traouquon l'aïgo éstounado
Dé bézé à la bagnado
Dé tan poulits pès nuts.
Las aïgos soun frésquétos.
Quan passon las camétos :
Ach !! dizén las fillétos,
È qu'arrizén d'aco
Dé boun co.
Batudos, las aïguétos
Saouton én brumét fi,
Tournon cajé én goutétos,
En pérlétos,
Èn brigails d'arcouli.

Quan soun drin fatigados
D'ana, dé houléya,
Déguéns l'aïgo estujados
Qué s'en ban capérados,
A l'oumpro dé l'aouba.
Dab las mas hèn courdèlo ;
Es ténguén én roundèlo,
Qué dirén lou moudèlo

D'uo garbo dé flous
È d'amous.
Labéts dé las branquétos
Sor lou roussignoulét,
E déguéns lurs manétos,
Roundélétos,
Qué bén béoué à galét.

Guérat ! dits uo maïnado :
Haout, aou houns de l'aouba,
U aouzélou qué bado,
U aouté prén la boulado ;
Dirén qu'és ban truca.
Quan las plumos ténudos,
Las álos esténudos,
È las pézics crouchudos.
Qu'és picon lous puntous
Dous bécous.
Nou saï pas quino guèrro
Hèn aquéts aouzéléts ;
Mès you qu'ém sémblo hèro,
Hèro, hèro,
Mous batérém coum éts.

Pér l'aigo cugnérados,
A l'oumpro dé l'éstrém,
Aquiou, bién asselados,
Hè ! digoun las maïnados :
Aném, mujam, cantém.
Bé sabèm lou Pierréto.
Poulido cansounéto,
Qué y a drin d'amouréto ;
Més baouém communiat
L'an passat.

Coulés pas més, ribèro ;
Briou qu'ét quaou estanga.
Traouquéns dé la pachèro
Cèou è terro,
Aoujits qué ban canta !

PIERRÉTO, IDYLLO

L'aigo dé l'Adour hè plazé.
Qu'ey toustém esclarido.
Tabé qu'ey moun mirail tout sé,
È qu'ém bézi poulido.

Péndén qué moun troupèt séguich,

En tout broustan l'herbéto,

Lou mié co, lou mié co, qué bourich :

Quan you pénsi drin à Pierréto.

Quan ey arribat lou printéms,

Tout qué sé rabiscole :

Aou briou qué bézi lous traouguéns,

Lou papilloun qué bolo.

Aou haout dou cèou, tout éclarit,

Quan pioulo la laouzéto,

Lou mié co, lou mié co, hè poulit :

È qué pénsi drin à Pierréto.

Bézi sus lou bér, ou l'aouba,

U aouzélou qué canto :

Aouta lèou u aouté bèn saouta

Dessus la même branço.

È quan s'accoston lous bécous,

Quan hèn batté l'aléto,

Lou mié co, lou mié co, hè tout dous :

È qué pénsi drin à Pierréto.

L'aouté dio, én éstarroucan,

Say pas you coum anaouoï :

Més qué séguiouoï tout lou cam

Coumo si saouneyaouoï.

Aouloc dé touca lou tarroc,

Coupaouoï uo mounjéto,

U caoulét, dus caouléts, u milloc :

Qué pénsaouoï drin à Pierréto.

Cado diménché, lou maïtin,

Qué hèou drin dé toilèto :

Bouti ço qu'èy dé hèt, dé fin,

Coutilloun, colérèto.

Quém lissi lous pèous dab lous dits ;

È quan souy poulidéto,

Lou mié co, lou mié co, s'en arrits :

È qué pénsi drin à Pierréto.

L'aouto néy, én tout saounéya,

Bézouï lou cèou sus terro,

Un anjou qu'em bén marida

Dabbé moun amic Pierro.

È qué luziouo l'arcoulin

Déguéns nosto crampéto !

Aï ! coumo you plourèy lou maïtin,

Quan n'y troubèy pas lou Pierréto.

Quaouqué cop, én hilan, lou sé,
Ma gran-maï rapapillo :
Ah ! ça dits, quin poulit plazé
Quan èroy jouéno fillo !
Moun Diou ! Tourna-mé doun lou téms,
Dous amous à l'oumbréto ;
Tourna-mé la fréscou è las déns,
È tabé lou praoubé Pierréto.

Cado hèsto, nosté Pastou
Qué nous ségoutich l'amo.
Entaou cèou qué bo tout amou,
Tout amou, touto' flamo.
È pourtan you, pérdoun, moun Diou !
Qu'ey bët qué hè, praoubéto,
Per coustat, pér aci, pér aquiou,
Pénsi toustém drin à Pierréto.

È bous, moun Diou, pénsat à you,
A you, bosto maïnado.
Bët sampa lou pay dé l'amou ;
Guérat, étòt qué m'agrado.
Guérat tabé, qu'ey la sazoun.
N'oun dèchés pas souléto.
Qué nou boï démoura coumo soun,
Las qui n'an ni Yan, ni Pierréto.

CANTÉT III

Régala-bous, maïnados !
Lou labrit aou pèou rous,
Las aouréillos dressados,
Las patos alloungados,
Qué gaïto lous moutous.
Jamés chef dé bataillo,
Aou méi dé la mitraillo,
N'aouc tan fiéro taillo,
N'estéc més coumandan
Qu'aquét can.
Qué ba, qué bén, qué miro,
Dé la siouazo aous blats.
Si lou troupèt s'y biro,
Qu'oun é tiro
Dabbé quaouqués gnacats.

Pér malhur, la cagnoto

Dou Gerbaouzis passèc. . .

Lou labrit la guignoto ;

Qu'ès mudo drin, qué troto,

Proché d'éro qu'anèc.
Qué la crézèouo souo.
Qu'és bouto à hè la rouo,
E dou cap à la couo,
Qu'ou hè dab sentiméns,
Coumpliméns.
Més éro, la fumèlo,
Nou l'éscouto qué drin,
Qué hè sa damoïzèllo,
La cruëllo,
È passo soun camin.

Lou labrit qué la guigno ;
Qué guigno lous moutous ;
Qu'és mourd, qué s'esgratigno,
Qué bé paouzats en ligno
Lou déoué, las amous !
Jamés, én talo guerro,
L'amo d'un cañ sur terro
N'aouc tan dé mizèro.
È lou praoubé labrit
Pèrd l'esprit.
Toustém lou diablé gagno
Én aquét éscrèpèt (1).

(1) Piège.

Lou can séguich la cagno,

L'accoumpagno.

Diou qu'at bo. qué boulèt !

La cagno qu'éy partido

D'un trot jaoulét è lén.

Lou labrit l'a séguido :

Moun Diou ! coum éy poulido,

Qué labrit éy balén !

Qué s'apèro Soumizo,

Qu'a la pèt perlo-grizo,

È soun pèou loun qué frizo

Én bouclots argéntats

È sarrats.

Aï !! D'u cam dé Paoumolo

Uo bintéo dé cas

Traouquon pér la camiolo

Qué rigolo.

Nou soun qu'à quaouqués pas.

La balénto cagnado

Coumpto Luqué, Traqué,

Farou, dit la gnacado,

Pigonis, la grénado,

Gascaro, Hurguét, dit
Lou hardit.
Picar, la dén qué gasto,
Bréndillou, minjo-pasto,
Braqué, qué dé tout tasto,
Esquiero è Hurét
È Fouillét.
Milor, lou can de casso,
Brioulét, curo métaou,
Liroun, traouquo bézaço,
Bouno raço,
È Pélot, lou péou-maou.

Touts aquéts cas d'élito,
Cas à grans coumpliméns,
Galopon tout dé suito :
Ban à la favourito
Pourta lurs sentiméns.
Soumizo qu'ous émbito
A sé jugné à sa suito.
Aourén baillat lur bito
Més lèou qué dé lacha,
Né flaqua.
O Diou qué pertout gratos

Mèstré absoulut, amou !
Qu'aoujes alos ou grapos,
Pès ou patos,
Bèn ! qu'ès toustém l'amou !

Pourtan, coum u tounèrro
Aou haout douz crûms couat,
Hè trambla la héouguèro,
Ségoutich la branquèro,
Aouan d'aoué trounat.
Lou sinné dé bataillo,
Déguéns l'aïre rounaillo,
Hè trambla la buscaillo,
Lou téms qu'ey arribat
Dou coumbat.
Soumizo, la Réynéto,
S'éstrémo dou pilot ;
Rétroussó sa couéto,
Én troumpéto,
S'assèt sur u tarroc.

Lous cas, couos ténudos,
Lous ouéils dé san pintrats,
Las griffos ésmouludos,

Muchon lurs déns péntudos
Prestos ént-aous gnacats.
Las patos én humèro
Hèn boula la poussièro.
Lous péous pér la coulèro
Soun toursuts, estrassats
È dréssats.
La terro a la tramblado.
U brut dé rounnomén
Cour sur l'hèrbo pilado,
Esmapado,
Coum u sour tramblomén.

Talo la ma ratjouzo,
Dinquo aous crüms ahoulats,
Saoutan touto éscumouzo,
Hé brounni, coulérouzo,
Sas mountagnos d'aïgats.
Ou coumo la grélado,
Pou charrusclé couado,
Pér l'eslambré traouquado,
S'apresto à tout pila
È péla :
Talo nosto cagnado

S'aprèsto à sé gnaca.

Éro bo rénoumado

Illustrado.

Doun, lou san déou coula.....

Farou saouto à l'aouréillo

Dé Milor qu'a gnacat

Esquiero. Luqué béillo :

È sannan sur la houéillo,

Qu'ou jèto espatarnat.

Hurgué, lou més coulèro,

Gaho à la garlamèro

Picar qué rounlo à terro.

Pigonis, Brendillou

Sannon prou.

Traqué coupou uo pato,

Cascaro crèbo u ouéil,

Flouré, qué Pélot matto

Sus uo matto,

Caï sur Brioulet lou biéil.

A l'estréum dé la houlo,

Sétudo sous tarrocs,

Soumizo touto soulo,

Qué bé lou san qué coulo
A chagats, à clapots :
Quén ey hurouzo è fiéro !
Aoutour d'éro la terro !
Lous bruchots, la héouguèro,
Soun plés dé péou dé can
È dé san.

La naturo trémolo ;
Lou bén s'ey estangat.
A la riou, l'aïgo holo
Qué rigolo
Lous brigaïls dou coumbat.

A bézé las gnacados,
Lou sau ésparricat,
Las aouréillós traouquados,
Las couos espélados,
Lou cèou qué s'ey cluquat !...
A bézé las sannados,
Las pèts espérécados,
Tan dé patos coupados,
Lou moundé, éstourétat,
Qu'a tramblat !
O cas ! Én talos hèstos

Dé Réys ou dou démoun,
Qu'ém sémblats, praoubos bestios,
Aouta hèstios,
Qué l'homé è sa razoun.

Aou méy d'aqué carnatjé,
Daqué houdré guarrièr,
Labrit, pér soun couratjé,
A méritat lou gatjé
D'este armat chibalièr.
Nat nou gárdèc sa bero,
Aou més hort dé la guèrro,
Dou san, dé la coulèro,
Dab tan dé co, d'ardou
È d'amou.
Haouto qu'ey én histouèro
La glorio dou labrit.
Més déoué, blats, bérgèro,
Siouazero,
Dé sa glorio an patit.

Qué dizén las ballados :
Qu'aou cèou, d'anciens guarriès,
Troubaouon amassados,

D'immourtellos armados
Dé dious hèyts grénadiès.
Dizén qué dious, déèssos,
Las armos toutos prèstos,
Dé las haoutous célèstos
Benguèouon, d'u boulat,
Aou coumbat.

Crézi qué lous dious d'aro,
N'an cascou ni pluméts,
Qué malgrè la prégado
Encençado
Qu'és démoron chès éts.

Qué mous canton dé guèrros
Dé Grècs è dé Trouyéns ;
Dé las balous guarrièros,
Dé las bëros sannèros,
Dous grans poplés anciens !
Soun coumbats dé gariô
Proché dé la sannio,
Dé las déns én hurio,
D'Esquiero, dé Hurét,
Dé Fouillét.
Hectors dé la naturo,
Achilos dou gnacat,

Aquéris n'an d'armuro

Qué l'armuro

Qué Diou ous a baillat.

Quaou dira las batailloſ

D'aquêts cas balérouſ !

Lou san è las éntrailloſ,

Las couoſ, las tripailloſ,

Qué coston las amouſ ?

Lou bénqur a la cagno.

O muzo ! aném témoigno

Dous grans homéſ dous cas

Lous exploiſ.

Dignéſ qué l'éſcriouturo,

En justé testomén,

Enhiqué lur figuro,

Lur armuro,

Aou houns dou téms qui bén !!!

La Cansoun dous Cas. — Qo qué pénon dé lurs Mèſtrés

Cantém, gnaoulém, citouyéns dé la terro :

Carlis, basséts, dogous, labrits, lébrès.

Cas dé bouchè, dé cassou ou dé bérgero,

Cantém, gnaoulém, qu'èm açi lous prumès.

Dabbé la hito

Mous bén la hito,

È lou poupa è nosté sentimén.

Tabé la crousto

Qué mous ragousto.

Uo bouno pèt qué mous duro toustém.

Praoubés mestrés, toustém én poulitiquo,

Sabén jamés dé quin coustat bira,

Ey Empérur, ey Réy ou Républiquo ?

Qué soun toustém pér toustém à serca.

Biouén dé soungés,

È dé ménsoungés,

Qu'ey soun bajuts, è qui soun éntécats,

Tristo mesturo,

Toustém qué duro,

Homés, jamés noun sérats déspoupats.

Ouat lous passa lou loun dé la carrèro :

N'ey pas lur pèt ço qué békèm sur éts,

Qu'ey u ménsoungé, éstujan lur mizèro,

Débat pérrècs louns, largés, cours, éstréts.

Ouat qué dé cornos,

Qué dé tricornos.

Masclés béstits dé négrés louns péillots.

Dé l'aouto bito

Hèn bouno bito.

Qu'aou pas gnaoula qu'aourém cops dé barrots.

Més qu'ey surtout, qu'ey surtout las fumèlos :

Sabén jamés coum s'entourorifla.

Porton paquéts dé ribans, dé dentellos,

Per haout, per bach, pértout, par ci, par là.

Coum la arruquos,

Porton perruquos,

Lous caps flourits è lous oueils ésbérirts,

Bal è counfesso,

Théâtre è mèssos,

Qué ban pértout, lou diablé s'en arrits.

Gna pas lountéms pourtaouon crinolinos,

Bint dé nous aous s'y sérén achutats,

Sarrados sou aro coumo chardinos,

È tout qu'és pot débina, ça diou plats.

Qu'és dizén séntos,

Aoubéissentos,

Mès aouta pla pér éros tout qué ba.

Oustaou, musiquo,

È poulitquo,

Ministrés, Réys, tous ac hèn tout ana.

Dizén qué Diou ous baillèc sa figuro.
An bien cambiat, ou Diou sérē pas bêt.
È quous hazouc mestrés dé la naturo
Dab gendarmos, juggés, hussiés, préfèt
Y a déqué arrizé.
N'at qu'aou pas dizé,
Mous coupéren la aouréilloz més ras ;
Més, praoubos bestios,
Bestios pér bestios :
Déchém lous homés, è démoureem cas.

CANTÉT IV

Talèou qué l'aouéillado
Bé lou labrit partit,
Qué hè soun escapado ;
Cour à la débandado,
Dinquo aou farou flourit.

Lou blat de la Jeannéto,
Lou dé la Françounéto,
Lou lïn dé la Jacquéto,
Lou milloc dous Gaillats,
Soun pillats.

È traouerso la prado,
Arribo aou laouadé,
Oun laouon la bugado
Lèchiouado,
Las hémnos à plazé.

Aou bèt houns dé la prado,
A l'oumbro dé l'aouba,
La riou drom arrestado
Per uo bérto brancado,
Aquiou qué ban laoua.

Démpuch la matinado.
Laouaïros én rénjado,
Y laouon la bugado
È trucon douz maïls plats

A patacs.

Sus l'aïgo sabounado
Dirén qué, miraillat,
Dé sa haouto mountado,
Estellado,
Lou cèou quey débarat.

Laouaïros à mas rudos,
Lous péillots retroussats,
Las camos toutos nudos,
Las lénguos bién pénudos,
Ban parla ça Diou plats.
Ban parla dé gouyatos,
Dé pastous è dé baquos,
Dé saboun è dé taquos,
Coumo ban las maïzous,
Lous tessous.

Sèrots détras uo mato,
Escounuts aous bousquéts,
Oun lou lapin s'aquato

È sé grato,

Ouat çò qu'enténérêts :

Oun ès Jeanno-Louizo ?

Hèm passa lou saboun.

Qué laoui la camizo

Coutoun è télo lizo,

Dé la bero Madoun.

Aquéro hè sa damo !

Guérat aquérô tramo :

Coum u bêtèt qué bramo,

S'aoubrich entré mous dits,

È qu'arrits.

Mou Diou qu'en y a bien d'aoutos :

La damo dous aouquats,

Dabbé sas cohos haoutos,

Las més haoutos,

Qu'a sous linços traouquats.

Aném, las coumayrêtos,

Hardit ! quaou batala :

Marioun dits : Las Peyréto

Apèron las hémnêtos.

Forço qui ban hila.

È péndén la sérado,

Béouén tan à razado,
Qué la bando pintado
Nou s'en sab més ana
Ni tourna.

Peyrét, praoubé béstiéto,
Paguos lou régatal.
Pou mouliè, la Peyréto,
En cachéto,
Hè béné séglé è blat.

Qué dizén ?... La Charloto !
La hillo dou Bizét ;
La périto panloto,
Bé sabéts ?... La déboto,
L'aperon Chapélét.
Anaouo aou présbytéro,
Dizén y anaouo hèro,
You n'at say pas, ma chèro,
Més qu'a hèit, sentomén,
Manquomén.
Qué boulèts ! Las ménètos
Lou diablé qu'ous né bo.
Hèn mésprèts de grizètos,
De couquétos,
Aouta pla qu'ey aquo . . .

.

— Ouat, hèn coumo las aoutos :

Quan las herbos soun caoutos,

Quan las sègos soun haoutos,

Quan pioulo lou pinsan,

Jà qu'en ban.

Éro anec à la groto,

Qué y a naou ou dèts més,

Qu'ey l'aïgo de la cloto

Qué la réndouc panloto,

Qu'ero dab lou Courtés.

— Qué soun nostos countrados

Dé las biergés aïmados ;

N'aouèm pér hinténados,

È quén aouran banlèou

Més qu'aou cèou.

Pourtan, la Béroniquo

Qué y anec l'aouté més,

Qu'aouèouo la couliko,

Uo couliko,

Sén tournèc dabé très.

Quès uo machante lénguo,

Dits Rozo dé Larriou,

Quaou qué lou diablé étt ténguo :

Atén un paou qué benguo

La justico dé Diou.

Quan èros jouéno drôlo,

Qué panès uo pistolo

Aou biéill mestré d'escolo,

È qu'ett troubèn aou prat

Dab Bernat.....

— Qué dizess émbardado,

Qué dizess dou Bernat ?

Qué m'en souï coufessado,

Accuzado,

Tout aquo qu'ey réglat.....

— Aném, qu'ey prou, digouc la Saladéto,

Déchat aquo è cantém la cansoun.

—

CANSOUN DÉ LAS LAOUAÏROS

Aou laouadé flourit,

Dé matos oumbréjados (*bis*),

D'herbo, dé flous, }
Qué laouan las bugados, } *bis.*
Lous coutillous. }

Coum ey bero la riou !

L'aigo claro qué baillo (*bis*).

Diou bén dé tu.
Ouat coumo s'y miraillo } bis.
Lou hèt cèou blu.

Coum u perdoun dou cèou,
Lou laouadé déstaquo (*bis*),
Laouo, blanquich, }
Hè parti touto taquo : } bis.
Tout qué luzich.

Sé poudeuots parla,
Linçoss dé las bugados (*bis*).
Linçoss blanquéts,
Diréts dé las néítados, } bis.
Poulits sécréts.

Oun éy l'esgalitat,
Soungé dé la mizèro (*bis*),
Soungé du sé ? }
Nou pot esta sur terro } bis.
Qu'aou laouadé.

Aquiou, princés, bayléts,
Granos damos, bergères (*bis*),
Hommés dé Diou, }
An las mèmos taquères, } bis.
Mèmo léchiou.

CANTÉT V

Las hemnos, én cantan,
Bézén la moutouado
Ana pér escapado
Dé las prados aou cam.
Arrabos è caoulétos,
E mounjous è mounjétos,
Qué soun coumo lous blats,
Rabajjats.
Sampa, dits la canardo,
Lous pastous soun aou bal ;
Qué baou trouba lou gardo,
Qué maou gardo,
Qu'aou qué hassé u berbal.

Lou gardo qué béou tasso
Chèou pétit Grèssillou ;
Qu'a soun fusill dé casso,
Soun habro-sac bézaço,
Soun pétit can Pitou.
Qu'ero aquiou la jouénéssو :
Y èron Pierro lou hort

Françouès, u rey d'adresso,
Guillem qué soul rédréssو
U car carguat à mor.
Yan qué jamés réculo ;
Bertran qué soul bousculo
A la hèiro l'harculo,
È Frizet, Janoutat,
È Bernat.

Labêts, lou gardo espliquo
Sous grans coumbats d'Alger,
Sas bataillos d'Afriquo :
Dits qué coupèc la chiquo
Aou gran Abder-Kadèr.
Dégueûns u cam d'arrabos
Qué tuèc cént Arabos ;
Sénsé u troupet dé crabos,
N'aouré tuat aou méns
Quaté céns.
Més sa balou guarrièro
Hazouc forço jalous.
Aquiou, perqué sa fièrro
Boutounièro
Nou porto pas la crouts ?

Qu'èro aquiou lou Jantillo,
(Aquét hill dou taillur
Qu'ey éstat à la bilo)
Qué l'apérèc blagur !
Péoupassat, lou biéil gardo,
L'espio drét, lou gardo,.....
E qu'ou dits : Prémenté gardo,
Qu'as apérat blagur
L'empérur.

Pramou qu'à la countrado
Souï sabré empérial,
Aoutoritat armado
È sacrado.

Qu'ét baou f... u berbal !

Qu'ey aquéro paraoulo ?
Digouc lou Janoutat
Én sé léouan dé taoulo.
Qu'ets coum u can qué gnaoulo.

Enténèts, Péoupassat,
Nosté mestré apérat
Libérlat :

Jamés nou herbalizo ;
Jamés nou hè dou maou,
Né sur digun nous pizo,

È qu'èm réys à l'oustaou.

La bilo la més hèro

Qu'a l'aïré tout carguat

Dé hum è dé bardèro,

Praoubo y éy la santat.

Ah! décha-mous las planos,

L'aïré prégouns, currén,

Entré Diou è las lanos,

Lou cèou è las cabanos,

Nou y a jamès arrén.

Bounur ! brumo léougèro,

Coumo t'escounés plan,

Més sé béngués sur terro,

Paouc ou hèro,

Crézi qu'et hès païzan.

Més bilos è campagnos,

Diouén ésta coumpagnos.

La forço qu'éy aquiou.

A la même balanço

Mous passan pas du hiou.

Hills dé la même Franço

È hills du même Diou.....

Aro boutém aquét brut à l'éstrém,

È cantem

CANTÉT D'AMOU A LA GRANO PATRIO

Aném doun haout, gouyats dé la campagno,
Hém rébrouni lous aïrés è l'éco !
Nous aous, tant fiers dous pics dé la mountagno,
A lur haoutou hém mounta nosté co.
Anam canta nosto grano patrio,
La Franço én do qué lou houdré a surpréss.
Qué Diou perdouno, è qué lou moundé éspio !
Cantém patouès en l'aïman en francés.

Qu'ey dé cap-bat qu'u charrusclé én hurio
Bengouc traoupi la plano e lou tuco.
È dab soun houdré è dab sa bouchério,
Pourtec Sédan, hill dé Waterloo.
Déguens lou houèc, è lou san, è las larmos,
Bezoun la Franço estouffado dou péss.
Qu'ey én patouès qué démandaouon armos,
Aquét patouès qué parlaouo francés !

Nou y aouo arrén ! è Diou qué castigaouo,
Qué castigaouo u poplé, u temps hangouss.
Bièrgés è bieils, lou hillot qué poupaouo,
Touts dé la guerro esproubén las hurouss.

Du poplé gran l'amo roulaou à terro ;
Lous cos transits dé la fèbré èron préss,
Qu'èro lou do, la hounto, la mizèro.
Lous oueïls patouès qué plourèn én francés.

Qu'ey aquet crüm, d'oumpro négro éntecado
Qué bén cluqua nosto part dé cèou cla ?
Qu'ey la disputo ! È la Franço, esmapado,
Qué bé sous hills prestis à s'espella.
Lou téms proumés qu'ey aquiou, qué s'aouanço ;
Blans, rougés, blus, né tous truquét pas méss.
Nou y a qu'u Diou è nou y a qu'uo Franço,
N'aoujém qu'u co è qué sio françés !

Franço ! Patrio ! En tu troubam én troupo,
L'aïré, la sélo, è lou pan è lou mèou.
En bouno maï tu qué mous das la poupo,
È qu'ès lou hiou qué mous réliguo au cèou.
Nat aouté amou sur toun amou nou mounto.
Dizén qu'aouem drin l'accén gascounés ;
Quan qualéra héngué échugua ta hounto,
Nostés fusills aouran l'accén francés !

Quan canton la cansoun,
Lou gardo tout coulèro,
Qué sor dé la maïzoun.
Aou méï dé la carrèro
La Canardo l'apèro,
Aci u aouto cansoun :
— Qué hèt à la couzino,
Digouc la lénguo fino,
Quan lou bestia ruino
Lous séglés è lous blats,
E lous prats ?

È quittant la Canardo,
Après aquét abis,
Lou grougnoux è bieil gardo
Qué ba mounta la gardo
A l'estrém d'u taillis.
Qu'entén parla, qu'escouto,
Qu'ey soun mestié sen douto,
Dé détrass u gran souc
Aci ço qu'enténouc :
— Yadéchat, praotubo Frizo !
— Adéchat, Mathiouot !
— Ey fresquo aquesto bizo,

Coumo ba la Louizo ?

Coumo ban chèou Pierrot ?

— Malaouzo a la Haoubino,

La biéillo Mascarino,

E sa hemno Paoulino.

Baou çèrca lou Bital,

Lou marchal.

— Qu'a la praoubo Paoulino ?

— La frèbè è lou catarrh :

Bam guari Mascarino et Haoubino

E qué beyram més tard.

— Da quésto Républiquo

Qu'en dizéts, Mathiouot ?

— Hum ! quan lou curè présiquo

L'insurto, è qué la hiquo

En infer tant qué pot.

Pourtan semblo paousado :

Sèro pas la tourrado

Aouren prou bouno anado.

Las taríos soun courrentos,

Tabé lous loidors,

Las baquos soun baléntos,

È qués bénén lous pors.

È doun ! bat marida l'aïnat dé la famillo,
Lou bosté Yantouét, dabbé uo brabo fillo,
La Yano dou Pigglaï. Manquo pas dé bertuts
È bous porto countans quaté cops cént éscuts.
Qué hèt u boun ahè. La maïnado ey balénto,
Sajo, propro, lèsto, bèro coumo la sénto
Qué békèm à la glèizo aou tablèou dé capsuss.
È puch, quat quaou tout dizé : éts qué s'aïmon tout dus.

Nani, nani, praoubét, ça digouc la Frizétto,
Nou hèm d'aquéts ahès : ahérots d'amourétto.
Mous qu'aou paga lou prat, tabé la bello-so,
La bigno dou Luzèr. Yano n'a coumo co
Qué douzé céns francots, quaté linços uzats,
È dus paréils d'esclops toutis desgansoulats.
Gnaoulino dou Bécut coumpto dus céns pistolos ;
Dizén pla qu'a galans ; qué ba détras bruchots.
Yantouét nou sap pas qu'ey estado à la bilo.
Nou boï douzzé cénts francs, qu'aou qu'espouzé dus millo !

Puch Frizo dits : A cazo
Presqué tout éi malaou.
Lou bi qué s'estrabazo,
Lou pesquè qué s'arrazo,
S'an coupat lou métaou.

La biéillo Cathérino
Qué mourit l'an passat,
La néï, à la couzino,
Qué tourno à la sourdino,
È qué hè gran sabbat.

— Boulem-mé crézé, Frizo,
Digouc lou Mathiouot,
Guérat, qu'ey quaouquo hizo,
Qué lou diablé s'abizo
Dé tout aquét tripot.
Qu'aouem dé ménagèros,
Sé soun héïtos pouzouèros,
Danson sur las hèouguèros
Dabbé Diablés tout nuts
È hourcuts.
Lou déouin de Lapeyro
Dab très houéillos dé gèïro,
U libé qué sé quèyro,
La bous hara dansa
È dé pla

È bé, ça dits la Frizo.
Aném lou doun trouba.....
Lou déouin quous abizo

È qué cour s'appresta.
Puch qu'arribo è quous dits :
Prénguêts u luzer gris,
Douzé houéillois dé bléto,
U higgé dé béléto,

E las patos d u gat
Espélat.
Drin dé grècho dé houo,
Du rénard drin dé bouo
È la couo.
Après à las lanos dou pra
A l'estrém dé cap-hat,
Qu'anéram aou sabbat.

LOU SABBAT, LÉGÉNDO

Quaou mio lou troupet à l'espourbil dé flammos,
Qu'ey lou riché Satan, lou miliounari d'amos.

Méjo-néy ba souna! la réyno dé las oumbros
Aou cèou qu'a déspléguat sas granos alos soumbros.
Qu'ey l'houro dé la poou, l'houro dous cos sarrats.
Lou momén dou soumèil dé la blanquo innoucenço,
Dou hèr toursut auou houns dé la négro counscienço :
Qu'ey l'houro aous aourriblés péccats.

L'houro oun l'hommè attardat, en séguin la camiolo,
Aou méndré alèt dou bén, esmoutit, qué trémolo,
È cré bézé, aou bruchot, u panllé trépassat
Sorté dou linço blan sous ossis d'ésquéleto.
Dou jugomén d'arrè hè souna la troumpéto ;
Qu'ey tabé l'houro dou sabbat. (*bis*).

La néï, tan négro aci, dé l'infer qu'ey lou dio.
Aou cop dé méjo-néï tout sé mudo, s'abio :
Lous pécats capitaous, princés dé prumè réng,
Anciens réys, cardinals, abésqués, troumpério,
Mounjjés, jugés, boulurs, débots, hypocrizio,
È lous faous miraclés tabén,
Tout aquo ba dansa sus la roujo héouguèro;
Aou dézer espélat, aquéts hills dé la terro,
D'aoutés cops coubèrts d'or è dé faoussos bertuts,
Faous caréils alugats d'uo faoussو lumière,
Dou haout dé lur orguill soun cajuts en poussiéro,
È qué soun diabblés débenguts,
È qué soun diabblés débenguts.

A labéts Bathalot, démoun de la paraoulo,
Mountat sur u grand bouc, aquesté discours gnaoulo :
O mous fraïs dou sabbat, dé l'infer bénazits,

Ouat, qué séram toustem lous mestrés dous esprits.
Aoutalèou, en dansan, lous démouns hèn la rouo.
Haout troussados, cantam uo moustouzo cansoun,
Cado pouzouèro gaho u diablé per la couo
È, sarrats, qui hèn u gran roun.

Las pouzouèros soun pas d'aquéros hémnos biéllos,
Lèzos, sensé souliers, sensé pan, sensé péillos.
S'aouèouon lou poudé, aouan d'ana l'infer,
Eros aourén plazés, aounous è jouissenço.
Las pouzouèros qué soun dé més haouto néchenco,
È beros à téndri lou hèr.
Bous ténen l'escrépèt, aquét jamés nous rato.
Qu'aouèt bèt ségouti, bous ténguén per la pato.
Soun tan poulits démous, quan lèou tout énjaoulat ;
Dirén anjous dou cèou qué l'esprit dé Diou mio ;
Sénsé counfessiou qu'ous bailléren l'oustio,
Quan éros tournon dou sabbat.
Quan éros tournon dou sabbat.

Dus diablés accrouats dessus uo branco morto,
Gaïton louï, en daouan, dè la lutz la gran porto ;
Lous ouéïls rougés puntats dou coustat bénazit,

Pénden qué lou sabbat se tors è rémoulio ;
Qué lous plazés affrous raoujissen én hurio,
Débat l'ouïl harden dou maoudit !
Tout d'un cop, u puntés de l'aoubo bénazido
Aou houns dou cèou clucat hè traouqua uo luzido.
Éro semblo paouluguo è primo coum u hiou.
Qu'ey prou! quan lou cèou parlo u hiou qu'ey u toumerro
Labéts sabbats, aourrous s'en hounson houns la terro,
Nou y a d'aouté mestré qué Diou !!!
Nou y a d'aouté mestré qué Diou !!!

CANTÉT VI ET DARRÈ

Tourném à las maïnados,
Qu'aouèm déchat loun-téms
Déguéns l'aïguo estujados,
Coumo flous desbrenhados,
Aou graè dou printéms.
An pla cantat Piéretto.....

Pendén la cansounéto
Lou troupet quéy partit
È Labrit
S'én chaouton ; soun poulidos,
An quinzé ans, lur héoutat,
Soun per l'amou flouridos,
Eshéridos,
É penson aou gouyat.

Quan Mathiouot è Frizo
S'en han entaou déouïn,
Lou gardo sé rabizo,
É dessus l'herbo lizo,
Qué réprén soun camin.

Qué trobo à la camiolo
Lou baïlét dou Jacolo
Qué tengouèouo sa haous,
Aou répaous.

— Aouét bist las pastouros,
Démandèc Péoupassat ?
— Q'uey dromit quaouquos houros
Saï pas qué s'ey passat,

Fénian ! digouc lou gardo,
È passec soun camin ;
Traouerso brocs è bardo.
Ba pèrdé soun latin,
Quan près dé la Baïzo,
Cré bézé uo camizo,
Qué hè flouta la bïzo :
Ah ! ça digouc, moun Diou !
Soun aquiou.

A labéts qu'és boulèguo,
S'en ba dé clot én clot ;
È lou loun d'uo sèguo,
S'arrousèguo,
Détras u gran bruchot.

Lou dio s'en anaouo,
Qu'èro téms dé parti,

Lou lugran débaraouo,
Lou pitou qué gnaoulaouo,
Qu'és qualèouo besti.
A labéts dé la tuto
Las maïnados, à huto,
Sé saoubon sur la buto,
È camizos, bestous,
Coutillous,
Qué las bestichén hèro.
N'ouy manquo pas u hiou
Aro qué soun sur terro,
Dé la terro,
Aou briou qu'èron de Diou.

Y a dé mouménsoun l'âmo
S'aouéjo aou bardaouiou ;
A labéts qué s'eslamo
È bo traouqua la tramo
Qué mous éstujo Diou.
Eh doun, nostos filletos
Soun én aquét moumén,
Qué mandon lurs amétos,
Tant blanquétos,
Cap aou cèou douçomén.

LA PRÉGARIO, HYMNO A DIOU

O gran Dioú ! lou cap drét, qu'adouram ta puissenco
È ta grandou.

Bajudos aous tarrocs, qu'èm dé primo néchenço ;

Més nosté amou

Sur sas alos d'éslam, sajo à pourta nosto âmo .

Dinqu'à tous pèss ;

Éro gaïto enta haout oun soun toun ouéil, ta flamo,

Oun éy soun brèss.

Sé nèros nou sérém !!! qu'ès lou Diou dé la bito,

Lou paï dé tout :

D'aquéts moundés luzéniss, qu'an lou prégouns pér hito,

È quès pértout.

La terro, lou mousquill, la flou, la roquo duro

È l'aouzélét,

Toutis, dé toun amou, récébén la pasturo

È lou poutét.

O Ségnou ! daouan tu, goutéto dé rouzado,

Gran Océan,

Gragnou dé sablé fi, mountagno régaloado,

Soun tout aoutan.

Bermis, réys, empérurs, hiou d'herbéto, naturo,
Moundés, plazés,
Mizéros è grandous, an la même mézuro,
Lou même péss.

Quaou pouira té nouma è hè la mézurado
Dé ta haoutou ?

Quaou pot desnouzéra lou hiou dé ta pénsado ?
O Créalou !

En bázé toun trabail, è lous moundés qu'assélos
Aou houns cèou blu,

Quaou pot dizé toun noum è coumpta tas estélos ?
Nou y a qué tu !!!

Après, las pastourétos,
Enta bién s'escaouha,
Lestos, esbéridotés,
Qu'és bouton à dansa.
N'an tambours ni troumpétos,
Bioulous ni clarinétos,
La musiquo, aous éstouts,
Qu'ey la bouts.

Las éscarrabéillados
Qué canton aouta lèou,
Hèn u roun, mass sarrados,
È danson u roundèou

LOU ROUNDÈOU A LA PRADO FLOURIDO

Aném haout ! saoutém, maïnados,
Hèm boula lous coutillous (*bis*).
Las sèguos soun émbaoumados,
Qu'ey lou téms dé las amous.
Saouto biro bero lero lero, } *bis.*
Saouto biro biroulet

Las sèguos soun émbaoumados ;
Qu'ey lou téms dé las amous (*bis*).
Qué soun flouridos las prados,
Qué soun baléns lous pastous.
Saouto biro, etc.

Qué soun flouridos la prados,
Qué soun baléns lous pastous (*bis*).
Las rious qué soun argéntados
Qué pioulon lous aouzélous.
Saouto biro, etc.

Las rious qué soun argéntados ;
Qué pioulon lous aouzélous (*bis*).
Las amous ténén las alos,
Bolon dab lous coutillous.
Saouto biro, etc.

Quan soun prou fatigados
Dé canta, dé dansa,
Qué sé soun aquatados
Sur la herbos pilados,
D'amou ban débiza.
Ah ! ça dits la Mélino :
Quan bézi lou Pierrino
Dab sa camizo fino,
È lou berrét paouzat
Dé coustat,
Qu'ém sémblo qué sur terro
Nou y a rén d'aouta bèt,
È débat la brassièro,
Mou co hèro,
Saouto coum u agnèt.

Praoubos ! dits Béroniquo,
Qu'ey hort sabén l'Andrè.
Hè rouna lou cantiquo,

Sab latin è muziquo
Presqu'aoutan qu'u curè.
Quan étta canto à la mèssou
Tout lou moundé sé pressou,
Labèts qué sé rédrèssou
È qué canto per co

Lou *credo.*

Hè trambla la capèro !
È qu'ey tant hèt aquiou,
Qué you nou sabi hèro,
Hèro, hèro,
S'adori étta ou Diou.

Peoupassat qu'escoutaouo
Aquét douss débizét,
Qué tan lou rapélaouo
Lou het téms oun anaouo
Dab Jeanno à l'estujét.
Éros, las maïnadétos,
Sé crézèouon soulétos.
En soungé d'amourétos,
Tout qu'ous sémblou daourat,
Estellat !!

Pérlétos amassados
Aou galét d'uo flou,
Soun d'eslou parfumados :
Ataou soun las maïnados,
Embaoumados d'amou.
Lur âmo qu'escalado,
Déguéns l'aïré qué nado,
È prén à la boulado,
Aou méï du crüm daourat,
Soun aïmat.

U douss soungé lous porto
Moun Diou, proché dé tu.


Qué ban touqua la porto,
La gran porto,
Dou soulè dou cèou blu !

Aou diablé !!! uo bouts crido,
Drollos, qué hèt aquiou ?
La saoumo quéy partido,
Lous gourris l'an séguido,
Soun auou blat dou Mathiou.

Las praoubos, désbéillados,
Dou bérhal ménaçados,
Sé saoubon dézoulados.
Adiou, soungé troumpur
Dou bounur..!

• • • • •
Lou gran è la bergèro
Ban pou même camin
Toutis dus qu'an sur terro,
Paouc ou hèro,
Ménlats, goï è chagrin !





卷之三

三